


孔子研究資料

田野社教心



81.9. 解

曲阜师范学院孔子研究室

一九八一年四月

目 录

(一) 《论语》资料类编	1
一、政治.....	1
二、仁义.....	9
三、礼乐.....	15
四、孝悌忠信.....	21
五、中庸.....	24
六、天命、鬼神、祭祀.....	24
七、君子与小人.....	27
八、修养.....	33
九、教与学.....	43
十、生活.....	50
十一、人物评论.....	52
十二、时人评孔子.....	57
(二) 《论语》以外有关孔子的资料	59
一、《国语》.....	59
二、《左传》.....	61
三、《公羊传》.....	66
四、《谷梁传》.....	67
五、《晏子春秋》.....	68
六、《邓析子》.....	69
七、《墨子》.....	69
八、《孟子》.....	72

九、《庄子》	79
十、《列子》	104
十一、《荀子》	108
十二、《韩非子》	120
十三、《尹文子》	133
十四、《公孙龙子》	133
十五、《吕氏春秋》	134
十六、《大戴礼记》	140
十七、《礼记》	164
十八、《韩诗外传》	201
十九、《淮南集证》	213
二十、《春秋繁露》	218
二十一、《盐铁论》	218
二十二、《说苑》	220
二十三、《新序》	248
二十四、《史记》	249
（三）孔子时代鲁国简图	250
（四）孔子年谱	251
（五）孔子研究论文索引	296

(一) 《论语》资料类编

(据中华书局1963年《论语译注》本)

一、政治

子曰：“道千乘之国，敬事而信，节用而爱人，使民以时。”
(学而5)

子曰：“为政以德，譬如北辰居其所而众星共之。”
(为政1)

子曰：“道之以政，齐之以刑，民免而无耻；道之以德，齐之以礼，有耻且格。”
(为政3)

哀公问曰：“何为则民服？”孔子对曰：“举直错诸枉，则民服；举枉错诸直，则民不服。”
(为政19)

季康子问：“使民敬、忠以劝，如之何？”子曰：“临之以庄，则敬；孝慈，则忠，举善而教不能，则劝。”
(为政20)

或谓孔子曰：“子奚不为政？”子曰：“《书》云：‘孝乎唯孝，友于兄弟。’施于有政，是齐为政，奚其为为政？”
(为政21)

子游曰：“事君数，斯辱矣；朋友数，斯疏矣。”
(里仁26)

子曰：“夷狄之有君，不如诸夏之亡也。”(八佾5)

子谓南容：“邦有道，不废；邦无道，免于刑戮。”以其兄之子妻之。（公冶长2）

子曰：“道不行，乘桴浮于海。从我看，其由与！”子路闻之喜。子曰：“由也好勇过我，无所取材。”（公冶长7）

子曰：“宁武子，邦有道则知；邦无道则愚。其知可及也，其愚不可及也。”（公冶长21）

颜渊、季路侍。子曰：“盍各言尔志。”子路曰：“愿车马衣裘，与朋友共，敝之而无憾。”颜渊曰：“愿无伐善，无施劳。”子路曰：“愿闻子之志。”子曰：“老有安之，朋友信之，少者怀之。”（公冶长26）

仲弓问子桑伯子。子曰：“可也简。”仲弓曰：“居敬而行简，以临其民，不亦可乎？居简而行简，无乃大简乎？”子曰：“雍之言然。”（雍也2）

季康子问：“仲由可使从政也与？”子曰：“由也果，于从政乎何有？”曰：“赐也可使从政也与？”曰：“赐也达，于从政乎何有？”曰：“求也艺，于从政乎何有？”（雍也8）

季氏使闵子骞为费宰。闵子骞曰：“善为我辞焉！如有复我者，则吾必在汶上矣！”（雍也9）

子游为武城宰。子曰：“女得人焉尔乎？”曰：“有澹台灭明者，行不由径，非公事，未尝至于偃之室也。”（雍也14）

子曰：“齐一变，至于鲁；鲁一变，至于道。”（雍也24）

牢曰“子云：‘吾不试，故艺。’”（子罕7）

子曰：“泰伯其可谓至德也已矣，三以天下让，民无得而称焉。”（泰伯1）

子曰：“民可使由之，不可使知之。”（泰伯9）

子曰：“如有周公之才之美使骄且吝，其余不足观也已。”

（泰伯11）

子曰：“不在其位，不谋其政。”（泰伯14）

子曰：“巍巍乎，舜、禹之有天下也，而不与焉。”

（泰伯18）

子曰：“大哉！尧之为君也。巍巍乎！唯天为大，唯尧则之。荡荡乎！民无能名焉。巍巍乎，其有成功也。焕乎！其有文章。”

（泰伯19）

舜有臣五人，而天下治。武王曰：“予有乱臣十人。”孔子曰：“才难，不其然乎？唐虞之际，于斯为盛，有妇人焉，九人而已。三分天下有其二，以服事殷。周之德，其可谓至德也已矣。”

（泰伯20）

子曰：“禹，吾无间然矣！菲饮食而致孝乎鬼神；恶衣服而致美乎黻冕，卑宫室而尽力乎沟洫。禹，吾无间然矣。”

（泰伯21）

子贡曰：“有美玉于斯，韞匱而藏诸？求善贾而沽诸？”

子曰：“沽之哉！沽之哉！我待贾者也。”（子罕13）

子贡问政。子曰：“足食，足兵，民信之矣。”子贡曰：“必不得已而去，于斯三者何先？”曰：“去兵。”子贡曰：“必不得已而去，于斯二者何先？”曰：“去食。自古皆有死，民无信不立。”

（颜渊7）

君命召，不俟驾行矣。

（乡党20）

哀公问于有若曰：“年饥，用不足，如之何？”有若对曰：“盍彻乎？”曰：“二，吾犹不足，如之何其彻也？”对曰：“百姓足，君孰与不足？百姓不足，君孰与足？”（颜渊9）

齐景公问政于孔子。孔子对曰：“君君，臣臣，父父，子

子。”公曰“善哉！信如君不君，臣不臣，父不父，子不子，虽有粟，吾得而食诸？”（颜渊11）

子曰：“听讼吾犹人也，必也使无讼乎！”（颜渊13）

子张问政。子曰：“居之无倦，行之以忠。”（颜渊14）

季康子问政于孔子。孔子对曰：“政者，正也。子帅以正，孰敢不正。”（颜渊17）

季康子患盗，问于孔子。孔子对曰：“苟子之不欲，虽赏之不窃。”（颜渊18）

季康子问政于孔子曰：“如杀无道，以就有道，何如？”孔子对曰：“子为政，焉用杀？子欲善而民善矣。君子之德风，小人之德草，草上之风，必偃。”（颜渊19）

子路问政。子曰：“先之劳之。”请益。曰：“无倦。”（子路1）

仲弓为季氏宰，问政。子曰：“先有司，赦小过，举贤才。”曰：“焉知贤才而举之？”子曰：“举尔所知，尔所不知，人其舍诸？”（子路2）

子路曰：“卫君待子而为政，子将奚先？”子曰：“必也正名乎！”子路曰：“有是哉，子之迂也，奚其正？”子曰：“野哉由也！君子于其所不知，盖阙如也。名不正则言不顺，言不顺则事不成，事不成则礼乐不兴，礼乐不兴则刑罚不中。刑罚不中则民无所措手足。故君子名之必可言也，言之必可行也。君子于其言，无所苟而已矣。”（子路3）

樊迟请学稼。子曰：“吾不如老农。”请学圃。曰：“吾不如老圃。”樊迟出，子曰：“小人哉，樊须也！上好礼，则民莫敢不敬；上好义，则民莫敢不服；上好信，则民莫不用情。夫如是，则四方之民襁负其子而至矣，焉用稼。”（子路4）

子曰：“其身正，不令而行。其身不正，虽令不从。”

(子路6)

子曰：“鲁卫之政，兄弟也。”

(子路7)

子适卫，冉有仆。子曰：“庶矣哉！”冉有曰：“既庶矣，又何加焉？”曰：“富之。”曰：“既富矣，又何加焉？”

曰：“教之。”

(子路9)

子曰：“苟有用我者，期月而已可也，三年有成。”

(子路10)

子曰：“善人为邦百年，亦可以胜残去杀矣。诚哉是言也！”

(子路11)

子曰：“苟正其身矣，于从政乎何有？不能正其身，如正人何？”

(子路13)

冉子退朝。子曰：“何晏也？”对曰：“有政。”子曰：“其事也。如有政，虽不吾以，吾其与闻之。”

(子路14)

定公问：“一言而可以兴邦，有诸？”孔子对曰：“言不可以若是，其几也，人之言曰：‘为君难，为臣不易。’如知为君之难也，不几乎一言而兴邦乎？”曰：“一言而丧邦，有诸？”孔子对曰：“言不可以若是，其几也，人之言曰：‘予无乐乎为君，唯其言而莫予违也。’如其善而莫之违也，不亦善乎？如不善而莫之违也，不几乎一言而丧邦乎？”

(子路15)

叶公问政。子曰：“近者说，远者来。”

(子路16)

子夏为莒父宰，问政。子曰：“无欲速，无见小利。欲速则不达，见小利则大事不成。”

(子路17)

子曰：“南人有言曰：‘人而无恒，不可以作巫医。’善夫！‘不恒其德，或录之羞。’”子曰：“不占而已矣。”

(子路22)

子曰：“善人教民七年，亦可以即戎矣。”（子路29）

子曰：“以不教民战，是谓弃之。”（子路30）

子曰：“爱之，能勿劳乎？忠焉，能勿诲乎？”

（宪问7）

子言卫灵公之无道也，康子曰：“夫如是，奚而不丧？”

孔子曰：“仲叔圉治宾客，视鮑治宗庙，王孙贾治军旅。夫如是，奚其丧？”（宪问19）

陈成子弑简公。孔子沐浴而朝，告于哀公曰：“陈恒弑其君，请讨之。”公曰：“告夫三子。”孔子曰：“以吾从大夫之后，不敢不告也。君曰‘告夫三子者’！之三子告，不可。孔子曰：“以吾从大夫之后，不敢不告也。”（宪问21）

子曰：“不在其位，不谋其政。”曾子曰：“君子思不出其位。”（宪问26）

子张曰：“《书》云：‘高宗谅阴，三年不言。’何谓也？”子曰：“何必高宗，古之人皆言。君薨，百官总己以听于冢宰三年。”（宪问40）

子路问君子。子曰：“修己以敬。”曰：“如斯而已乎？”曰：“修己以安人。”曰：“如斯而已乎？”曰：“修己以安百姓。修己以安百姓，尧舜其犹病诸！”（宪问42）

子曰：“无为而治者，其舜也与？夫何为哉？恭己正南面而已矣。”（卫灵公5）

子曰：“直哉史鱼！邦有道如矢，邦无道如矢。君子哉蘧伯玉！邦有道则仕，邦无道则可卷而怀之。”（卫灵公7）

子曰：“臧文仲其窃位者与？知柳下惠之贤，而不与立也。”（卫灵公14）

子曰：“吾之于人也，谁毁谁誉？如有所誉者，其有所试矣。斯民也，三代之所以直道而行也。”（卫灵公25）

季氏将伐颛臾。冉有、季路见于孔子曰：“季氏将有事于颛臾。”孔子曰：“求！无乃尔是过与？夫颛臾，昔者先王以为东蒙主，且在邦域之中矣，是社稷之臣也。何以伐为？”冉有曰：“夫子欲之，吾二臣者皆不欲也。”孔子曰：“求！周任有言曰：‘陈力就列，不能者止。’危而不持，颠而不扶，则将焉用彼相矣？且尔言过矣。虎兕出于柙，龟玉毁于椟中，是谁之过与？”冉有曰：“今夫颛臾，固而近于费。今不取，后世必为子孙忧。”孔子曰：“求！君子疾夫舍曰欲之而必为之辞。丘也闻有国有家者，不患贫而患不均，不患寡而患不安。盖均无贫、和无寡，安无倾。夫如是，故远人不服，则修文德以来之。既来之，则安之。今由与求也，相夫子，远人不服，而不能来也；邦分崩离析，而不能守也，而谋干戈于邦内。吾恐季氏之忧，不在颛臾，而在萧墙之内也。”

（季氏1）

孔子曰：“天下有道，则礼乐征伐自天子出，天下无道，则礼乐征伐自诸侯出。自诸侯出，盖十世希不失矣；自大夫出，五世希不失矣，陪臣执国命，三世希不失矣。天下有道，则政不在大夫。天下有道，则庶人不议。”

（季氏2）

孔子曰：“禄之去公室五世矣，政逮于大夫四世矣，故夫三桓之子孙微矣。”

（季氏3）

齐景公有马千驷，死之日，民无德而称焉。伯夷、叔齐餓于首阳之下，民到于今称之。其斯之谓与？”

（季氏12）

阳货欲见孔子，孔子不见，归孔子豚。孔子时其亡也，而往拜之。遇诸涂。谓孔子曰：“来！吾与尔言。”曰：“怀其宝而迷其邦，可谓仁乎？”曰：“不可。”“好从事而亟失时，可谓知乎？”曰：“不可。”“日月逝矣，岁不我与。”孔子曰：“诺，吾将仕矣。”

（阳货1）

公山弗扰以费畔，召，子欲往。子路不说，曰：“末之也已，何必公山氏之之也？”子曰：“夫召我者，而岂徒哉？如有用我者，吾其为东周乎？”（阳货 5）

子张问仁于孔子，孔子曰：“能行五者于天下，为仁矣。”“请问之。”曰：“恭、宽、信、敏、惠。恭则不侮，宽则得众，信则人任焉，敏则有功，惠则足以使人。”（阳货 6）

佛肸召，子欲往。子路曰：“昔者由也闻诸夫子曰：‘亲于其身为不善者，君子不入也。’佛肸以中牟畔，子之往也，如之何？”子曰：“然，有是言也。不曰坚乎，磨而不磷？不曰白乎？涅而不缁？吾岂匏瓜也哉？焉能系而不食。”

（阳货 7）

柳下惠为士师，三黜。人曰：“子未可以去乎？”曰：“直道而事人，焉往而不三黜？枉道而事人，何必去父母之邦？”（微子 2）

齐景公待孔子曰：“若季氏，则吾不能；以季孟之间待之。”曰：“吾老矣，不能用也。”孔子行。（微子 3）

楚狂接舆歌而过孔子曰：“风兮！风兮！何德之衰？往者不可谏，来者犹可追。已而，已而，今之从政者殆而。”孔子下，欲与之言。趋而避之，不得与之言。（微子 5）

孟氏使阳肤为士师。问于曾子，曾子曰：“上失其道，民散久矣。如得其情，则哀矜而勿喜。”（子张 19）

尧曰：“咨！尔舜！天之历数在尔躬，允执其中。四海困穷，天禄永终。”

舜亦以命禹。

曰：“予小履敢用玄牡，敢昭告于皇皇后帝：有罪不敢赦。帝臣不蔽，简在帝心。朕躬有罪，无以万方，万方有罪，罪在朕躬。”

周有大賚，善人是富。“虽有国亲，不如仁人。百姓有过，在予一人。”

谨权量，审法度，修废官，四方之政行焉。兴灭国，继绝世，举逸民，天下之民心归焉。

所重：民、食、丧、祭。宽则得众，信则民任焉。敏则有功，公则说。（尧曰1）

子张问于孔子曰：“何如斯可以从政矣？”子曰：“尊五美，屏四恶，斯可以从政矣。”子张曰：“何谓五美？”子曰：“君子慧而不费，劳而不怨，欲而不贪，泰而不骄，威而不猛。”子张曰：“何谓慧而不费？”子曰：“因民之所而利之，斯不亦慧而不费乎？择可劳而劳之，又谁怨？欲仁而得仁，又焉贪？君子无众寡，无小大，无敢慢，斯不亦泰而不骄乎？君子正其衣冠，尊其瞻视，俨然人望而畏之，斯不亦威而不猛乎？”子张曰：“何谓四恶？”子曰：“不教而杀谓之虐，不戒视成谓之暴，慢令致期谓之贼，犹之与人也，出纳之吝谓之有司。”（尧曰2）

二、仁 义

有子曰：“其为人也孝弟，而好犯上者，鲜矣；不好犯上，而好作乱者，未之有也。君子务本，本立而道生。孝弟也者，其为人之本与！”（学而2）

子曰：“巧言令色，鲜矣仁。”（学而3）

子曰：“弟子入则孝，出则弟，谨而信，泛爱众，而亲仁。行有余力，则以学文。”（学而6）

子曰：“人而不仁，如礼何？人而不仁，如乐何？”

（八佾3）

子曰：“射不主皮，为力不同科，古之道也。”（八佾16）

子曰：“里仁为美。择不处仁，焉得知？”（里仁1）

子曰：“不仁者不可以久处约，不可以长处乐。仁者安仁，知者利仁。”（里仁2）

子曰：“唯仁者能好人，能恶人。”（里仁3）

子曰：“苟志于仁矣，无恶也。”（里仁4）

子曰：“富与贵，是人之所欲也，不以其道得之，不处也。贫与贱，是人之所恶也，不以其道得之，不去也。君子去仁，恶乎成名？君子无终食之间违仁，造次必于是，颠沛必于是。”（里仁5）

子曰：“我未见好仁者，恶不仁者。好仁者，无以尚之；恶不仁者，其为仁矣，不使不仁者加乎其身。有能一日用其力于仁矣乎？我未见力不足者。盖有之矣，我未之见也。”

（里仁6）

子曰：“人之过也，各于其党。观过，斯知仁矣。”

（里仁7）

或曰：“雍也仁而不佞。”子曰：“焉用佞？御人以口给，屡憎于人。不知其仁，焉用佞。”（公冶长5）

孟武伯问：“子路仁乎？”子曰：“不知也。”又问。子曰：“由也，千乘之国，可使治其赋也，不知其仁也。”“求也何知？”子曰：“求也，千室之邑，百乘之家，可使为之宰也，不知其仁也。”“赤也何如？”子曰：“赤也，束带立于朝，可使与宾客言，不知其仁也。”（公冶长8）

子贡曰：“我不欲人之加诸我也，吾亦欲无加诸人。”子曰：“赐也，非尔所及也。”（公冶长12）

子谓子产：“有君子之道四焉：其行己也恭，其事上也敬，其养民也惠，其使民也义。”（公冶长16）

子张问曰：“令尹子文三仕为令尹，无喜色；三已之，无

愠色。旧令尹之政，必以告新令尹。何如？”子曰：“忠矣。”曰：“仁矣乎？”曰：“未知，焉得仁？”崔子弑齐君，陈文子有马十乘，弃而违之，至于他邦，则曰：“犹吾大夫崔子也违之。之一邦，则又曰：‘犹吾大夫崔子也违之。’何如？”子曰：“清矣。”曰：“仁矣乎？”曰：“未知，焉得仁？”

（公冶长19）

子曰：“伯夷、叔齐不念旧恶，怨是用希。”

（公冶长23）

子华使于齐，冉子为其母请粟。子曰：“与之釜。”请益。曰：“与之庾。”冉子与之粟五秉。子曰：“赤之适齐也，乘肥马，衣轻裘。吾闻之也，君子周急不继富。”（雍也4）

原思为之宰，与之粟九百，辞。子曰：“毋！以与尔邻里乡党乎！”

（雍也5）

子曰：“回也，其心三日不违仁，其余则日月至焉而已矣。”

（雍也7）

樊迟问知，子曰：“务民之义，敬鬼神而远之，可谓知矣。”问仁，曰：“仁者先难而后获，可谓仁矣。”

（雍也22）

子曰：“知者乐水，仁者乐山。知者动，仁者静。知者乐，仁者寿。”

（雍也23）

宰予问曰：“仁者，虽告之曰‘井有仁焉’，其从之也？”子曰：“何为其然也？君子可逝也，不可陷也；可欺也，不可罔也。”

（雍也26）

子贡曰：“如有博施于民而能济众，何如？可谓仁乎？”子曰：“何事于仁！必也圣乎！尧、舜其犹病诸！夫仁者，己欲立而立人，己欲达而达人。能近取譬，可谓仁之方也已。”

（雍也30）

子曰：“志于道，据于德，依于仁，游于艺。”

（述而6）

冉有曰：“夫子为卫君乎？”子贡曰：“诺，吾将问之。”
入曰：“伯夷、叔齐何人也？”曰：“古之贤人也。”曰：“怨乎？”曰：“求仁而得仁，又何怨？”出曰：“夫子不为也。”

（述而15）

子曰：“仁远乎哉？我欲仁，斯仁至矣。”

（述而30）

子曰：“若圣与仁，则吾岂敢！抑为之不厌，诲人不倦，则可谓云尔已矣。”公西华曰：“正唯弟子不能学也。”

（述而34）

子曰：“恭而无礼则劳，慎而无乱则憊，勇而无礼则乱，直而无礼则绞。君子笃于亲，则民兴于仁，故旧不遗，则民不偷。”

（泰伯2）

曾子曰：“士不可以不弘毅，任重而道远。仁以为己任，不亦重乎？死而后已，不亦远乎？”

（泰伯7）

子曰：“好勇疾贫，乱也。人而不仁，疾之已甚，乱也。”

（泰伯10）

子罕言利，与命与仁。

（子罕1）

子曰：“知者不惑，仁不忧，勇者不惧。”

（子罕29）

厩焚，子退朝。曰：“伤人乎？”不问马。（乡党17）

季氏富于周公，而求也为之聚敛而附益之。子曰：“非吾徒也，小子鸣鼓而攻之可也。”

（先进17）

颜渊问仁。子曰：“克己复礼为仁，一日克己复礼，天下归仁焉。为仁由己，而由人乎哉？”颜渊曰：“请问其目。”

子曰：“非礼勿视，非礼勿听，非礼勿言，非礼勿动。”颜渊曰：“回虽不敏，请事斯语矣。”

（颜渊1）

仲弓问仁。子曰：“出门如见大宾，使民如承大祭。己所不欲，勿施于人。在邦无怨，在家无怨。”仲弓曰：“雍虽不敏，请事斯语矣。”（颜渊2）

司马牛问仁。子曰：“仁者，其言也讱。”曰：“其言也讱，斯谓之仁矣乎？”子曰：“为之难，言之得无讱乎？”（颜渊3）

樊迟问仁。子曰：“爱人。”问知。子曰：“知人。”樊迟未达。子曰：“举直错诸枉，能使枉者直。”樊迟退，见子夏曰：“乡也，吾见于夫子而问知，子曰：‘举直错诸枉，能使枉者直，’何谓也？”子夏曰：“富哉言乎！舜有天下，选于众，举皋陶，不仁者远矣。汤有天下，选于众，举伊尹，不仁者远矣。”（颜渊22）

曾子曰：“君子以文会友，以友辅仁。”（颜渊24）

子曰：“如有王者，必世而后仁。”（子路12）

樊迟问仁。子曰：“居处恭，执事敬，与人忠。虽之夷狄，不可弃也。”（子路19）

子曰：“刚、毅、木、讷，近仁。”（子路27）

宪问耻。子曰：“邦有道，谷；邦无道，谷，耻也。”“克，伐、怨、欲不行焉，可以为仁矣？”子曰：“可以为难矣，仁则吾不知也。”（宪问1）

子曰：“有德者必有言，有言者不必有德。仁者必有勇，勇者不必有仁。”（宪问4）

子曰：“君子不仁者有矣夫，未有小人而仁者也。”（宪问6）

或问子产，子曰：“惠人也。”问子西，曰：“彼哉！彼哉！”问管仲，曰：“人也。夺伯氏骈邑三百，饭疏食，没齿无怨言。”（宪问9）

子路问成人。子曰：“若臧武仲之知，公绰之不欲，卞庄之勇，冉求之艺，文之以礼乐，亦可以为成人矣。”曰：“今之成人者何必然？见利思义，见危授命，久要不忘平生之言，亦可以为成人矣。”（宪问12）

子路曰：“桓公杀公子纠，召忽死之，管仲不死。”曰：“未仁乎？”子曰：“桓公九合诸侯，不以兵车，管仲之力也！如其仁！如其仁！”（宪问16）

子贡曰：“管仲非仁者与？桓公杀公子纠，不能死，又相之。”子曰：“管仲相桓公，霸诸侯，一匡天下，民到于今受其赐。微管仲，吾其被发左衽矣。岂若匹夫匹妇之为谅也，自经于沟渎而莫之知也。”（宪问17）

子曰：“君子道者三，我无能焉：仁者不忧，知者不惑，勇者不惧。”子贡曰：“夫子自道也！”（宪问28）

子曰：“志士仁人，无求生以害仁，有杀身以成仁。”（卫灵公9）

子贡问为仁，子曰：“工欲善其事，必先利其器。居是邦也，事其大夫之贤者，友其士之仁者。”（卫灵公10）

子曰：“知及之，仁不能守之，虽得之，必失之。知及之，仁能守之，不庄以涖之，则民不敬。知及之，仁能守之，庄以涖之，动之以礼，未善也。”（卫灵公33）

子曰：“民之于仁也，甚于水火，水灭吾见蹈而死者矣，未见蹈仁而死者也。”（卫灵公35）

子曰：“当仁不让于师。”（卫灵公36）

阳货欲见孔子，孔子不见，归孔子豚。……

（见“为政”部分）（阳货1）

子张问仁于孔子。孔子曰：“能行五者于天下，为仁矣。”“请问之。”曰：“恭、宽、信、敏、惠。恭则不侮，宽则得